



**RIJEČ UREDNIKA****BISMIL-LAHIR-RAHMANIR-RAHIM****Poštovane džematlije,**

Kako je ovo vrijeme početka mektebske godine uz poziv roditeljima da upišu svoju djecu u mekteb, donosimo poruku Reisu-l-uleme IZ-e u Bosni i Hercegovini mr. Husein ef. Kavazovića koju je povodom početka nove mektebske, školske i akademske godine uputio polaznicima mekteba, učenicima, studentima, muallimima, muderrisima i profesorima:

*„Dragi polaznici mekteba, učenici i studenti naših škola i fakulteta; poštovani muallimi, muderrisi i profesori; cijenjeni roditelji!*

*Na pragu smo nove mektebske, školske i akademske godine. Pred nama je, ako Bog da, još jedna godina traganja za novim znanjem i vještinama. Pred nama su nove prilike usvajanja odgojnih vrijednosti i ovladavanja novim sposobnostima koje će nam pomoći u formiranju vrijednosnih kriterija koji će trasirati naš svakodnevni život.*

*Neka nam i ova nova mektebska, školska i akademska godina teče na krilima inspiracije riječi Uzvišenog i Plemenitog: IKRE'! – Čitaj, u ime Gospodara tvoga, koji stvara...*

*Pozivam našu omladinu, naše vrijedne učenike i studente da knjigu doživljavaju kao istinskog druga, da svoje muallime, učitelje i profesore doživljavaju kao istinske prijatelje i da strpljivo i marljivo uče i sakupljaju znanje da bi bili spremni graditi bolju budućnost sebi, novim generacijama i svojoj domovini, kao što vrijedne pčele sakupljaju nektar da bi nama proizvele med.*

*Pozivam muallime, učitelje, muderrise i profesore u svim našim odgojno-obrazovnim ustanovama: obdaništima, mektebima, školama i fakultetima, da svojim predanim, odnosom prema časnom pozivu koji su preuzeli kao emanet i profesiji koju su izabrali misiju UČITELJA vrše u duhu upute Svevišnjega: s mudročću, lijepim savjetom i razgovorom na najljepši način. Nek njihov lični primjer bude najsnažniji argument vrijednosti onoga čemu uče naše mlade i poticaj da se te vrijednosti usvajaju i prenose na nova pokoljenja.*

*Naša budućnost uveliko će zavistiti o vrijednostima usvojenog znanja i odgoja. Zato pozivam i sve roditelje da svim svojim nastojanjima podrže i učenike i učitelje da proces odgojno-obrazovnog rada u novoj školskoj godini bude na nivou koji će voditi ka progresu i boljitku naše ukupne stvarnosti.*

*Uz dove Uzvišenom Allahu da nam podari mudrost, istinsko znanje i lijep odgoj, čestitamo početak i želimo uspješnu novu mektebsku, školsku i akademsku godinu, stoji na kraju poruke reisu-l-uleme Islamsker zajednice u Bosni i Hercegovini“*

**POZIV NA SARADNJU**

Esselamu alejkum, poštovani čitatelji!

***Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.***

***Javite nam se sa vašim primjedbama i sugestijama kako bismo zajednički što bolje prezentovali naš Medžlis***

**Naša nova web stranica: [www.miztesanj.ba](http://www.miztesanj.ba),  
e mail: [iztesanj@bih.net.ba](mailto:iztesanj@bih.net.ba)**

**AKTIVNOSTI IO****MEDŽLISA****Izdvajamo:****Održana 31. redovna  
sjednica IO –****12.08.2013.godine****(13. šervvala 1434.h.g.)**

u prostorijama IO Medžlisa

IZ-e Tešanj kojom je predsjedavao predsjednik Zehrudin Kruško, a prisustvovalo 10 članova.

Na sjednici je razmatran dnevni red od 15 tačaka, a usvjen je Zapisnik i informacija o realizaciji

zaključaka sa 30. redovne sjednice, usvojen je

Izveštaj o realizaciji ramazanskih aktivnosti uz zaljučke da se upiti

pohvala-zahvala svim džematima na uspješnoj realizaciji Plana

ramazanskih aktivnosti, da se iz VPF iz ramazana

opreme mektebske

učionice, (Dž. Planje,

Raduša, Jablanica i

preostali dio Šareni

mekteb), da glavni imam

obavi razgovor sa

imamima u čijim

džematima se po procjeni

moglo više prikupiti

sredstava zekata i

sadekatu-l-fitra), usvojena

je informacija glavnog

imama o izvršenim

pripremanama za početak

mektebske nastave

(pripremljene učionice,

obazbijedeni mektebski

dnevници i udžebenici,

imamima dostavljen

kalendarski mektebske

nastave...,

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić, tehnički urednik Rašid Orlović

Redakcija: Salih ef. Haušić, Dževad ef. Hasanbašić, Enver ef. Kurtić, Almir ef. Hadžić i Suljo ef. Djedović,  
saradnici imami MIZ-e Tešanj.



**Hutbe, vazovi, predavanja ....****POPIS 2013.****Ovo nisu izbori, ovo je mnogo važnije od svih izbora.**

Pitanje popisa 2013. godine u Bosni i Hercegovini regulirano je Zakonom o popisu stanovništva, domaćinstava i stanova koji je Parlamentarna Skupština BiH usvojila na sjednici održanoj 3. februara 2012. godine.

Iz samog naziva Zakona vidi se šta se sve popisuje: stanovništvo, domaćinstva i stanovi.

Popis će se provesti u periodu od 1. do 15. oktobra 2013. godine, prema stanju na dan 30. septembra 2013. godine u 24,00 sata (ponoć) što se smatra referentnim datumom popisa, svaki dan od 9,00 do 21,00 sati.

**Način provođenja popisa**

U praksi popis obavljaju popisivači koji na terenu obilaze domaćinstva i vrše popis u okviru popisnog kruga za koji su odgovorni. Prilikom dolaska u domaćinstvo popisivač je dužan da se predstavi, pokaže ovlaštenje za popisivača i ukratko objasni cilj posjete. On treba informirati građane da trebaju davati tačne i potpune podatke pri tome naglašavajući da se podaci isključivo koriste za statističke svrhe te da je zagarantovana tajnost podataka.

- Na popisu se **upisuje** matični broj ili samo datum rođenja, pri čemu ne treba posjedovati ili pokazati nikakav dokument! Popisivač upisuje ono što mu vi kažete i ne smije postavljati nikakva pitanja, niti vršiti ikakve provjere.
- **Svako za popis ima pravo angažirati nekoga za pomoć!!!** (dakle slobodno u komšiluku ili u džematu uzmete nekoga ko je shvatio kako se to radi i on vam pomaže).
- Popisivači moraju koristiti posebne olovke sa oznakama Popisa 2013. ,koje se ne mogu falsifikovati! U slučaju da vidite da ste nešto pogriješili ili da popisivač nije upisao tačno neki podatak, slobodno tražite da pocijepa list i ponovo popuni popisnicu.
- Popisivač kad dođe u jedno domaćinstvo popisat će svakoga koga zatekne, a jedna punoljetna osoba iz domaćinstva može popisati ostale članove pod uslovom da zna njihov matični broj ili barem datum rođenja. Međutim to ne važi za maloljetnu djecu, koju moraju popisati roditelji!
- **Najvažnije stavke na popisnici su od 1-7 i od 24-26 i tu treba posebno biti pažljiv.**

**Popis građana koji se nalaze van domovine**

Za one koji dolaze izvana, **koji su zbog posla odsutni**, bitno je da **neko punoljetan iz domaćinstva** izjavi da stalno boravi tu. Popisivač ne traži nikakav dokaz, niti smije tražiti!

Kako bi bili "rezidentni" građani naše domovine, a to su svi oni koji izvan svoje domovine u jednom komadu borave **kraće od 12 mjeseci, radi posla!** Mogu raditi i deset godina, ali ako su odsutni **"radi posla"** neprekidno manje od jedne godine, i ako tako izjave prilikom popisa još uvijek su "rezidentni" građanini BiH- primjer na dnu stranice.

"Nerezidentni" su oni koji izjave da borave izvan domovine više od godinu dana i oni koji se popišu preko interneta – oni će se evidentirati u posebnu bazu podataka i neće biti dio stalno nastanjenog stanovništva BiH.

**Stoga preporučujemo svim našim džematlijama: da se izjasne kao Bošnjaci, islamske vjeroispovijesti, koji govore Bosanskim jezikom - vidi primjer na naslovnoj strani.**

**Za džematlije u inostranstvu preporučujemo da u što većem broju iz inostranstva dođu kući u domovinu na popis i za Kurban – bajram i lično popišu sebe i svoje domaćinstvo kao prisutne osobe u vrijeme popisa, ili da ih član domaćinstva popiše kao privremeno odсутne osobe kraće od godinu dana „Bili u domovini na odmoru prije šest mjeseci i ponovo će doći kući za četiri mjeseca“ - vidi donji ogledni primjerak.**

**MJESTO STANOVANJA**

<b>1. OSOBA KOJA SE POPISUJE JE</b>		a) Član domaćinstva koji živi u mjestu popisa godinu dana ili duže ili se doselio s namjerom da tu živi	<input checked="" type="checkbox"/> 1) → Pitanje 2.
		b) Član domaćinstva odsutan iz mjesta popisa zbog rada/skolovanja ili boravka u drugom mjestu u BiH ili inozemstvu	<input checked="" type="checkbox"/> 2) → Pitanje 3a.
		c) Privremeno prisutna u mjestu popisa kraće ili duže od godinu dana zbog rada/skolovanja ili boravka	<input checked="" type="checkbox"/> 3) → Pitanje 3b.
<b>2. DA LI JE OSOBA PRISUTNA U MJESTU POPISA</b>		Da <input checked="" type="checkbox"/> 1) → Pitanje 6.	3a. Razlog odsustva iz mjesta popisa
		Ne <input checked="" type="checkbox"/> 2) → Pitanje 3a.	3b. Razlog prisustva u mjestu popisa
			<input type="text" value="05"/>
<b>4. DUŽINA ODSUSTVA/PRISUSTVA</b>		Jedna godina i duže (broj godina) <input type="text" value=""/> <input type="text" value=""/> → Pitanje 6.	Kraće od jedne godine (broj mjeseci) <input type="text" value="06"/> → Pitanje 5.
<b>5. KOLIKO JOŠ OSOBA NAMJERAVA BITI ODSUTNA/PRISUTNA</b>		Jednu godinu i duže <input checked="" type="checkbox"/> 1)	Kraće od jedne godine (broj mjeseci) <input type="text" value="04"/>

**Slika** - Ogledni primjerak popisnice odsutne, popisane osobe koja je u inostranstvu na radu, a za koju je podatke dao član domaćinstva. Ovakvo popisana osoba ulazi u ukupan broj stalno naseljenog stanovništva BiH.

**Tema broja: „Ramazan ...“**

**Post -** „Svaki covjekov posao se višestruko nagradjuje; dobro djelo se nagradjuje deseterostruko, do sedam stotina puta, a Allah Uzvišeni je rekao: - Osim posta, on je Moj i Ja za njega nagrađujem, on ostavlja svoje strasti i hranu radi Mene.“ (Hadis-Muslim).

**Teraviih-namaz** na području Medžlisa IZ-e Tešanj je klanjan na 65 registrovanih punktova - u 37 džamija, 26 Mesdžida i 2 porodične kuće, sa 33 stalna imam, 12 učenika medresa, 3 studenta FIN-a, 7 svršenika medresa, 7 provjerenih teraviih imama i 3 vjeroučitelja.

I ove godine na području Medžlisa IZ-e Tešanj boravio je gost iz Turske hfz. Hasan Kemirdži koji je obilazio džemate na teraviih-namazu po rasporedu Medžlisa i u Čarši-džamiji učio hafisku mukabelu.

Pored teraviih namaza u velikom broju džemata u zadnjih deset noći ramazana ili za 27. noć ramazana klanjan je i noćni namaz. Karakteristika i ovogodišnjih noćnih- namaza je dobra posjećenost, posebno omladine.

**Mukabela** - učila se na 35 mjesta, i to

- hafiska** – u Čarši-džamiji Tešanj, (učili hafizi: Nijaz Malagić, Almir Salkanović, Ahmed Bukvić, Hasan Kemirdži i imam Čarši džamije Enver ef. Kurtić prof.,).
- za žene** – Miljanovcima, Miljanovcima Novim i mesdžidu Piljužići.
- sehurska** u Čarši-džamiji, Miljanovcima Novim.

**Posjete-gosti** – U toku Ramazana ovaj Medžlis su posjetili:

Muftija zeničkog mr. Ejub ef. Dautović – Čarši džamija 02.08. 2013. iftar sa privrednicima.

Rukovodilac Ureda za zekat RIZ-e u BiH mr. Elnur ef. Salihović, posjetio je džemat Miljanovci.

Rukovodilac VPS dr. Amir Karić – 20.07.2013.-iftar i posjeta Hamzibegovoj džamiji.

Rukovodilac pravne službe Rijaseta Mensur Karadža. Direktor Vakufske direkcije hafiz Senaid Zaimović.

Rukovodilac službe za odnose sa javnostima mr. Ekrem Tucaković i posjetio džemat Jelah.

Profesori obrazovnih ustanova Islamske zajednice u BiH (9. godinu za redom): FIN Sarajevo dr. Džemaludin Latić, IPF Bihać: dr. Fuad Sedić i dr. Izet Terzić, GHM Sarajevo: direktor Zijad Ljevaković, Ismet Bečić, Dževad Pleh i Rešid Bilalić, „Behram-begova medresa“ Tuzla: upravnik Mehmedalijaj Čandić, Sevret M. Čehajić i Muhamed Hasanspahić; Medresa „Osman ef. Redžović“ Veliko Čajno kod Visokog: Nijaz Aganović, Muhamed Mušinbegović, Dženan Rezaković o hafiz Abdulkadir Kadrić; medrsea „Džemaludin ef. Čaušević“ Cazin – direktor Enes Ljbjankić, Munir Makić, Mehmed Kudić i mr. Rifat Šahinović; IPF Zenica – dr. Nusret Isanović, dr. Šukrija Ramić i mr. Muharem Adilović.

Zastupnik Dijaneta Hasan Atl i predstavnik ambasade Saudijske Arabije.

U tri džemata – Šije, Šije G. Polje i Šije D. Polje ograniziran prigodan program za šehide- obilazak mezarja, dova, iftar, obraćanje – Općinskog načelnika mr. Suada Huskića, hafiza Alije Rahmana i glavnog imama.



Teraviih namaz, O. Planje, hafiz iz Turske



Predavanje profesora medrese



U haremu džamije Šije G. Polje

**Iftar** - Zejd b. Halid el-Džuheni, r.a., prenosi od Allahovog Poslanika, s.a.v.s., da je rekao: „Ko pripremi iftar postaču, imat će nagradu kao i on, a da se postaču njegovu sevapi uopće ne umanju“! Medžlis IZ-e Tešanj je ovog ramazana priredio 3 iftara: za profesore fakuteta i medresa; za imame i članove IO; Omladinski iftar na trgu ispred „Kahve“, dok su u nekim džematima priređeni iftari za omladinu, za polaznike mektebske nastave i za džematlije.



Iftar za zaposlene i članove IO



Iftar sa profesorima medresa



Iftar u haremu džamije Dž. Planje



**Tema broja: –„Ramazan...“**

**Mubarek noći - Lejletu-l-Bedr** - U svim džamijama na području Medžlisa IZ-e Tešanj na prigodan način i uz postavljanje sergije za dijasporu obilježena je 17. noć ramazana kao noć sjećanja na bitku na Bedru.

**Lejletu-l-Kadr** - Medžlis IZ-e Tešanj, džematski odbori, a posebno, u ovom slučaju vrijedni imami, su se potrudili i omogućili vjernicima da, pored pojedinačnog ibadeta, ovu najodabraniju noć provedu u skupnom ibadetu i činjenju drugih dobrih djela (čišćenju imetka zekatom, čišćenju posta sadekat-u-l-fitrom i sergijom za VPF Medžlisa IZ-e Tešanj) jer se ta dobra djela u ovoj noći višestruko povećavaju. Tako su u svim džamijama i mesdžidima na području Medžlisa IZ-e Tešanj pored zajedničkog klanjanja jacije i teravih-namaza priređeni i prigodni programi.

Centralni program održan je u Čarši džamiji Tešanj gdje je teravih-namaz imatio hafiz iz Turske, potom se prisutnima prigodno obratio direktor Vakufske direkcije hafiz Senaid Zaimović.

Program je nastavljen na prepunom trgu u Tešnju učenjem Kur'ana (hafiz iz Turske i hafiz Ahmed ef. Bukvić), ilahija (učenice medresa sa područja Medžlisa IZ-e Tešanj) na kraju je prigodnu dovu proučio glavni imam mr. Fuad ef. Omerbašić.

Organiziran skupni ibadet u ovoj noći nastavljen je noćnim namazima u većem broju džemata.

**Itikaf** – Kao i ranijih, tako su i ove godine mutekifi boravili u itikafu u tri džamije: Čarši-džamiji - imam džemata Enver ef. Kurtić prof., Jelahu – imam džemata Almir ef. Hadžić prof. i Miljanovcima Novim – imam džemata hafiz Nermin ef. Ibrahimović prof.

**Programi za žene** – U toku ramazana angažovano je 11 učenica medresa i jedna studentica FIN-a i zaposlena muallima na području našeg Medžlisa, koje su održale 65 predavanja uz kraći program kojima je prisustvovalo preko 1000 žena. Pored centralnih džamija obuhvaćeni su i punktovi teravih namaza u mesdžidima. Posebno su posjećena bila predavanja i druženja vikendom u džematima: Miljanovci, Medakovo, Jablanica i Oraš Planje na kojima su se pored muallime Fatime Čeman prisutnim (četvrtu godinu za redom) obratile: dr. Razija Ajanović, psiholog mr. Emina Turalić, pedagog Nisveta Mudrov i Alma Huskić prof., koje su se izuzetno povoljno izrazile o ovim predavanjima i druženjima te izrazile spremnost da to nastave i izvan ramazana.

**Zekat i sadekat-u-l-fitr** - „Uzmi od dobra njihovih zekat da ih njime očistiš i blagoslovljenim učiniš, i pomoli se za njih, molitva tvoja će ih, sigurno, smiriti. A Allah sve čuje i sve zna“ (Kur'an: Et-Tevbe,103).

Ove godine u Fond „Bejtu-l-mal,, na području Medžlisa IZ-e Tešanj prikupljeno je **9,60** % više nego prošle.



27. noć - Izvođači programa na trgu



27. noć - U haremu Čarši-džamije



27. noć – Miljanovci Novi noćni namaz

### RAMAZANSKI BAJRAM I DAN ŠEHIDA

**Ramazanski Bajram** je na prigodan način obilježen u svim džematima Medžlisa IZ-e Tešanj, a centralna bajramska svečanost je održana u Čarši-džamiji u Tešnju gdje je Bajram-namaz predvodio i hutbu održao glavni imam Medžlisa IZ-e Tešanj.

**Tradicionalni bajramski prijem** za imame, predsjednike džematskih odbora, članove IO, predstavnike političkog i privrednog života, privrednike i druge saradnike upriličen je u restoranu "Ukus" u Bukvi, prvog dana Bajrama.

**Dan šehida** obilježen je učenjem hatme, Jasina, predajom dove pred duše šehida i obilascima šehidskih porodica i mezarja u svim džematima na području Medžlisa IZ-e Tešanj i prijemom delegacije OPŠiPB u uredu glavnog imama.



Bajramski prijem – Restoran Ukus – 08.08.2013.g.



Glavni imam, predsjednik IO i Načelnik- primili delegaciju



u subotu, 31.08.2013. godine. Svečanom otvorenju su prisustvovali najviši dužnosnici IZ-e u BiH sa Njegovom eminencijom Reisu-l-ulemom mr. Husein ef. Kavazovićem na čelu, te Muftija zenički mr. Ejub ef. Dautović, Muftija sarajevski mr. Husein ef. Smajić, Muftija Kutahye Mustafa Uskuluplu, predsjednik Mešihata IZ-e u Australiji Jasmin ef. Bekrić, glavni imam Medžlisa IZ-e Tešanj mr. Fuad ef. Omerbašić, glavni imami susjednih medžlisa Doboje - Bajro ef. Džafić i Teslić Džafer ef. Gračić, poslanik u državnom parlamentu Šemsudin Mehmedović, poslanik u federalnom parlamentu Muhidin Alić, predsjedavajući OV Tešanj Fuad Šišić, sudija Ustavnog suba BiH Mirsad Čeman (jelašanin) i brojni drugi predstavnici javnog i političkog života ..., kao i župnik župe Jelah don Ilija Marinović.

Na početku svečanosti džematski imam **mr. Almir ef. Hadžić** je ukratko predstavio džemat Jelah, nakon čega je predsjednik građevinskog odbora za rekonstrukciju džamije **Adem Kantić** upoznao prisutne sa osnovnim podacima o džamiji. Pored džamije izgrađena je vakufska kuća i pomoćni objekat sa brojnim sadržajima, natkriveni predulaz u džamiju, proširen i uređen harem džamije sa asfaltiranim parkingom. Do sada je utrošeno preko 700.000, 00 KM. Pored ove džamije izgrađena je džamija i u naselju Jelah Polje, koja je takođe u funkciji.

Potom su se prisutnima prigodno obratili: Glavni imam **mr. Fuad ef. Omerbašić**, Općinski načelnik **mr. Suad Huskić**, Muftija iz Turske oblasti Kutahya **Mustafa Uskuluplu**, Muftija sarajevski **mr. Husein ef. Smajić**, Muftija zenički **mr. Ejub ef. Dautović** i **Njegova eminencija, Reisu-l-ulema IZ-e u Bosni i Hercegovini mr. Husein ef. Kavazović** koji je je blagim i odmjerenim glasom izrazio zahvalnost prisutnima, vrijednim džematlijama, posebno šehidima, palim borcima i braniteljima naše domovine i istaknuo. " Bog je stvarajući živa stvorenja na Zemlji jedino čovjeku pridao obavezu odgovornosti za koju će morati odgovarati. Klonite se onoga što nam je Pejgamber Muhammed a.s. zabranio, a za ono što je naredio, radite i činite koliko možete... Bošnjaci su ponosni i hrabar narod koji nikada nije drugima osporavao njihovo ime, njihov jezik, ko su i šta su, što sa Bošnjacima nije bio slučaj. Moramo shvatiti važnost predstojećeg popisa stanovništva u Bosni i Hercegovini. ... Bosna je naša zajednička država u kojoj ima mjesta za sve i nije tijesna nikome" poručio je na kraju uvaženi Reisu-l-ulema.

Na kraju je Muftija zenički proučio dovu i uručio Priznanje - najznačajnijim vakifima i predsjedniku građevinskog odbora Ademu i Sehidu Kantiću, predsjedniku džematskog odbora Jelah Kasimu Aliću i imamu mr. Almir ef. Hadžiću.

Predsjednik IO Medžlisa IZ-e Tešanj **Zehrudin Kruško** je uručio ključ džamije Reisu-l-ulemi koji je džamiju proglasio otvorenom i vlasništvom Islamske zajednice u Bosni i Hercegovini, nakon čega je ključ uručio bračnom paru Ademu i Sehidu Kantiću koji su svečano, uz tekbire prisutnih, otvorili džamiju.

Prema procjeni i izvještavanju medija otvorenju džamije je prisustvovalo oko 30.000,00 posjetilaca.



*Dio prisutnih*



*Obraćanje Reiu-l-uleme*



*Otvaranje džamije*

Sam program svečanog otvorenja započeo je u četvrtak 29.08. 2013. g. akšam-namazom, nakon čega je održano veče ilahija sa učešćem muftije iz Kutahye Mustafom Uskuluplu (učio Kur'an), horova: "En-Nisa" iz Kaloševića, "Omladinski ansambl" iz Tešnja, "Selimija" iz Doboja, te solistice hora "El Fatih" iz Sarajeva, Amine Krdžalić iz Bukve, učenice III razreda Behrambegove medrese Tuzla i na kraju izuzetnim nastupom Armina Muzaferija sa tri ilahije izvedene bez muzičke pratnje.

Program je nastavljen u petak 30.08.2013.g. džuma-namazom, sa izuzetno zapaženom hutbom zeničkog Muftije mr. Ejub ef. Dautovića, a potom mevludskim programom poslije akšam namaza kome su prisustvovali trojica muftija - iz Turske Mustafa Uskuluplu, iz Ljubljane dr. Nedžad Grabus i zenički mr. Ejub ef. Dautović, glavni imami, imami i druge zvanice te izuzetno velik broj posjetilaca. Mevlud su proučili prisutni imami, prigodno obraćanje održali glavni imam i Muftija ljubljanski dr. Nedžad Grabus, a dovu proučio Muftija zenički mr. Ejub ef. Dautović.

Poslije mevluda i klanjanja jacije-namaza OO na čelu sa **Vahidom Festom** je upriličio spektakularan vatromet.



*Veče ilahija- Armin Muzaferija*



*Džuma – Muftija mr. Ejub ef. Dautović*



*Mevlud – Muftija dr. Nedžad Grabus*



**I – INFRASTRUKTURA**

**Mrkotić-Putešić** – juli 2013. g. završeni radovi na vanjskoj termoizolacionoj fasadi na džamiji i krečenju munare.



**Tešanj-Hamzibegova džamija** – 23.07.-2013./ 15. ramazana 1434.h.g. - Završeni radovi na unutrašnjoj rekonstrukciji i i vanjskoj fasadi.



**Tešanj – Sjedište Medžlisa (bivša medresa)** - završeni radovi na podnom centralnom grijanju i glazurama.

**II – MANIFESTACIJE – DOGAĐAJI - IZ DŽEMATA**

**Džemilić Planje – 18.08.2013.g.** - Proučen godišnji mevlud i hatma dova za šehide u džamiji poslije podne namaza.



Predavači glavni imam i hafiz mr. Kenan Musić.

**Reisu-l-ulema u Tešnju; 31.08.2013.g** – na radnom sastanku u Šarenom mektebu sa Muftijom zeničkim i IO Medžlisa.



Doček reisu-l-uleme mr. Husein ef. Kavazovića ispred Š.M.

**Novo Selo – 07.09.2013.g.** – Preoučen tradicionalni godišnji mevlud i hatma dova za šehide u džamiji poslije podne namaza koji svake godine (9. godinu za redom) organizuju džemat i Mjesna zajednica Novo Selo. Predavač glavni imam.



**Dolac-Kotlanice - 01.09.2013. g.** Proučen tradicionalni mevlud na otvorenom „Na bašči“. Mevlud proučili imami MIZ Tešanj, predavač Elvedin ef. Aličić prof.

**Vukovo – 07.09.2013.g.** Proučen mevlud u sklopu obilježavanja dana MZ Vukovo, poslije akšam-namaza.

**Ljetinić – 08.09.2013.g.** Proučen mevlud u povodu 2. godišnjice otvorenja džamije poslije podne-namaza, mevlud proučili imami MIZ Tešanj, predavači glavni imam i Muftija zenički mr. Ejub ef. Dautović.

**Tešanj – 07.08.2013.g.** – Glavni imam i Općinski načelnik mr. Suad Huskić posjetili Opću bolnicu u Tešnju i pacijentima na plućnom odjelu u prisustvu direktora bolnice dr. Rifata Sejdinovića uručili prigodne bajramske hedije.

**Jelah –07.09.2013.** održan sastanak sa vjeroučiteljima.

**III – POSJETE**

**Turskoj: 10.-15. avgusta 2013.** – Na poziv Muftije Kutahye Mustafe Uskuluplu, imami Medžlisa IZ-e Tešanj sa hanumama posjetili Kutahyu i Istanbul u Turskoj.



U Kutahyi sa domaćinom Muftijom Mustafom Uskuluplu, u pozadini grad Kutahya

**Ljubljani – 14. 09.2013. g.** Postavljanju kamena temeljac za izgradnju džamije i islamskog centra prisustvovala delegacija Medžlisa IZ-e Tešanj na čelu sa glavnim imamom.





HADŽIJE MEDŽLISA IZ-e TEŠANJ - 2013./1434. h. g. – svi putuju avionom 02.10.2013.g.



Mustafa ef. Balić  
Tešanjka-bedel



Salihbašić Salih  
Tešanjka



Brkić Husein  
Tešanj



Kotorić Aljo  
Medakovo



Huskić Zeir  
Karadaglje



Unkić Alija  
O. Planje-bedel



Ćorić Mustafa  
O. Planje - bedel



Hodžić Adem  
Lepenica



Bošnjak Izet  
Kalošević



Kotorić Jusuf  
Trepče



Mehmedović Safet, Razija i sin Samir  
Lepenica



Kotorić Fadil i Hava  
Trepče



Omerbašić Rasim i Mula  
Karadaglje



Šabanović Osman i Ema  
Bobare



Krnjić Semija  
Bobare



Kršo Hadžira  
Miljanovci



Delić Ajka  
Miljanovci



Iriškić Hatidža  
Potočani - bedel



Kadušić Hanifa  
Trepče



Džaferhodžić Sala  
Novo Selo